

內 務

十八

二月

再熱河州縣所轄動輒數百里非添官不能兼顧前經 奏請在平泉建昌之間添設一縣名曰建平縣歸新設朝陽府管轄該處爲盜匪出沒之區亟應先行添設以資治理經奴才委員會同平泉建昌二州縣將應設建平地界劃分清楚俾可分地而治已委試用知縣鄭焯前往試辦并兼理通判事每年按照原奏籌給津貼銀六千兩以資辦公俟一年後如能辦理妥協再行改爲試署另設典史一員專司監獄及緝捕事宜亦已委員試辦照知縣一律辦理每年籌給津貼銀四百兩該正佐二缺應行舉辦各項事宜由奴才督同司道府隨時酌辦期臻妥善除分咨吏部政務處查照外理合附片陳明伏乞 聖鑒謹 奏奉 硃批該部知道欽此

山東巡撫周奏山東試辦巡警就已裁兵勇餉糈改練巡軍摺

奏爲山東試辦巡警就已裁制兵防勇餉糈改練巡軍擇要布置謹將局制餉章繕單具奏恭摺仰祈 聖鑒事竊臣於光緒二十八年九月十六日欽奉 上諭袁世凱奏定警務章程著各直省做照辦理等因欽此查警察爲治內要圖舉凡詰姦除暴保商衛民諸事皆原本於此山東爲多盜之地警務一端尤關緊要光緒二十七年經前升任撫臣袁世凱奏裁綠營制兵一千三百六十名左右翼防軍四百名沿海防軍二營亟欲改練因餉絀未及

舉辦臣到任後體察情形查撫鎮四標馬步戰守兵暨河標制兵積弊甚深幾同虛設謹遵迭次諭旨一律全裁以撫鎮標裁節兵餉截至二十九年三月停止河標兵餉截至二十九年十二月停止先就升任撫臣袁世凱裁汰兵勇陸續節存各餉於二十八年十月起招募巡軍委派臬司尙其亨總理警務並派遣員會同辦理倣照直隸章程參以東省民情風氣擬定局制餉章暨學堂章程課本由省設局開辦並派弁兵一百名分赴京師天津兩處警務學堂練習卒業回東分佈城廂及近省三十里要隘劃段巡防仍令更番學習使心知其義確守規矩日有進境無滋流弊並將省城東路一帶自濟南直抵環界沿鐵道七百余里又自濟南小清河南北兩岸抵羊角溝海口五百里均分設馬步巡軍按地方繁簡酌派人數多寡統歸省城警務局管理並飭沿鐵路各州縣添募勇役互相稽查惟烟台爲通商大埠華洋雜處防範宜嚴飭由東海關道就近督理以期呼應靈便所需餉項仍歸省城警務局支發彙案造報現在規模粗具布置已定於地方緝捕諸事大有裨益較舊日綠營氣象迥不相同自應照此試辦以期逐漸擴充所有局制餉章經臣與各司道等再四商酌力求節省先後派委道員楊晟潘延祖楊嘉辰等會同臬司經理一俟經費稍充再行酌量推廣現需餉項已飭藩司在裁節二十七八兩年兵勇各餉內提用現訂章程倣照保定

內 務

二十

二月

辦法將來即照此據實造報如有應行增減之處容臣隨時奏咨辦理除咨政務處戶兵兩部查核外所有山東試辦巡警局制餉章緣由謹繕清單恭呈 御覽理合恭摺具陳伏乞

皇太后

皇上聖鑒敕部立案施行謹

奏奉

硃批該部知道單併發欽此

各省警察彙誌

安徽大通總辦釐局兼巡警許觀察炳榛巡警法令

一凡有喊人救命者急吹哨四聲集同上下值班巡兵前往跟查如已閉門遯同鄰居推門而入務將各犯獲案 一凡有劫案急吹哨六聲集同上下值班巡兵前往捕拿並飛報各營局調兵兜拿 一凡遇火災急將竹哨亂吹七八聲集同上下值班巡兵嚴防搶火不得擅離本段並將失火處所飛報總局分局先令退班巡兵前往撲滅如火勢蔓延總局諭令值班巡兵往救方准前往否則即由退班巡兵撲滅 一凡遇各項會匪散放票布隨時密稟總局會營嚴拿倘敢扶同隱匿查出嚴辦 一凡拐帶人口之犯立即拘拿如察其形跡可疑即應尾隨其後看定破綻再行拘拿 一凡扒手小竊及偷竊沿路磚石樹木者隨時拘拿 一凡外來僧道強討惡化畫符唸咒惑人以及無業遊民賣拳訪友者均隨時拘拿如有異言異服之人亦須留心察看每日所作何事交結何人密報總局再派安人刺探看